

¿Maypachamantan Guayasamin kallpayki oqarikun?

Qaqchaq urpi, yawar qapariq

¿maypachamantapunin ukupacha kanchariq ñawiki

cielo kañaq makiyki?

Uyuriway, rauraq wayqey.

Ñakay pacha mitata

runa kiriq punchauta,

waqachiq tuta

runa, runa mikuq uyanta,

wiña wiñaypaq churanki

mana pipa kuyuchiy atinanta

imaykamaraq chanqanki!

Runa waqachun

wayrapa kallpanta mikuchun,

qan rayku.

Wayasamin sutyki

intipa qepa ñeqen churinkunapa qaparisqanmi

Quito muyuq apu wamanikunapa katatatasqan

waqasqan, riti mirasqan,

cielomantapas astawan sinchi sombran.

Manan chayllachu:

Estados Unidos, China, Tawantinsuyu

tukuy llaqtapi runakuna ñakasqanta,

imaymana mañakusqanmanta

qan, rauraq wayqey, qaparinki,

Apurimaq mayu astawan hatun

astawan mana tanichiq simiwan.

¡Allinmi, wayqey! ¡Estabín, Oswaldo!

